

嘉州志

一九五六年一月  
四川省中山图书馆复制



萬州志卷九

古蹟畧

城址

萬州城址漢無所考唐初置通化郡地名舊州築土城後徙陵水即今縣宋初又徙博遼其世代與地不可考

署宅

富雲縣公署宋熙寧中廢地不可考

博遼縣公署宋熙寧中廢地不可考

萬寧縣公署明正統中廢舊址在今州治東

州同公廨明初設州同一員即宋元同知軍也明

季文裁遺址久失

州判公廨明初設州判一員即宋元軍判也舊址

在州大門內西後改在儀門內東崇正初年裁

布政司分司署舊在州治東久廢

按察司分司署舊在州治東久廢即海南道分司

察院公館在醮樓東久圯

萬南守禦千戶所舊在州治西向南領軍千名在

本州守禦名為衛署明洪武三年指揮桑昭奏

改名所署今改為分防遊擊衙門所署在州治

後街西北

副千戶所明初設洪熙年間裁今失其址

百戶所正統年間裁址不可考

試百戶所正統年間裁址不可考

鎮撫司在城東隅久廢司久奉裁

督備司在西門內嘉靖年間移於清瀾艾堆官變

賣以濟軍興故久廢

所吏自解久裁地不可考

蓮塘巡檢司在蓮塘墟嘉靖末年裁

多陳驛驛丞嘉靖年裁址在州東一里

萬全驛驛丞久裁址不可考

河泊所舊設大使一員崇正初年裁址在周村墟

鹽場司大使一員崇正初年裁址在州南新安都東

灣村邊

南山守禦所在南山仔村邊後徙陵水奉裁

民教場在州西三里明成化年知州梁桓設今圯

俞公祠在州治左萬歷中台州士民為知州俞公

與孝建今圯

辜公祠在分司左萬歷中士民為辜公志會建今

圯

楊公祠在東關萬歷中土民為署事同知楊公論

建今圯

二楊公去思樓士民先在東門朝陽街為楊論建

四牌樓明季知州楊時熙行善政革陋規與前

楊燧美士民乃遷建東關扁曰二楊公去思樓

今圯

譙樓在州治大門上今廢

亭附

黎順亭在東山嶺下宋端平中民為知軍劉椿建

亭立碑紀其德政與平黎功

借樂亭在東山大石上明知州余忠建今圯

魯望亭在城北仙河溪側元邱世傑建今廢

水月亭在城東十里文德都嶺脚下宋建久廢

周公愛亭在東山

申明亭在州治大門外東邊今廢

旌善亭在州治大門外西邊后改遷今廢

新建亭在州治八字牆東即旌善亭茅一柱以舊

亭緊傍獄舍謂善惡混故改建今圯

靈照堂在東山上石室側宋時建以居僧久廢今

山寺非其故梵也

廣積倉在州治東與城隍廟并崇正初年裁廣積

倉大使倉並廢

南豐倉在州治北崇正十四年知州曾光祖買民

墾地創建

預備倉在州城內西南隅久廢

公館在譙樓東久圯

醫學舊設正科一員學在城東久廢

僧綱司在城西天寧寺舊設都綱一人今廢

養濟院在天妃廟側久圯乾隆二十八年知州廖

佑齡重建

### 坊表

明州建坊三十有二

新善坊在舊學右

盛德坊在舊學前

迎恩坊東門外迎恩街

進士坊在城東為徐祥立

進士坊在城東迎恩街為曾鎰立嘉靖七年知州

常邦相重修萬歷四十年鎰曾孫紹科紹芳復



修今存

文魁坊在州北宣義都為舉人馮宣立

雲梯坊為舉人卓信立

魁蘭坊為舉人蘇森立

冲霄坊為舉人林森立

青雲坊為舉人馮謙立

文英坊在城東迎恩街為舉人曾瑁立

文元坊在城東迎恩街為舉人徐福立

步蟾坊為舉人楊景厚立

析桂坊為舉人李習立

攀龍坊為舉人陳順立永樂乙酉由歲貢中應天

試

擢魁坊為舉人楊蔭立

飛騰坊為舉人吳益遜立

昂霄坊為舉人陳順立

鯤化坊為舉人陳淵立

步鳳坊為舉人陳源立

登俊坊為舉人劉績立

應奎坊為舉人王靖立

繼芳坊為舉人歐陽麟立

攀桂坊為舉人黃琳立

鳴鳳坊在城東迎恩街為舉人謝圯立

世科坊在迎恩街為舉人曾鎰立

奪錦坊在城東迎恩街為舉人張政立

鵬程坊在迎恩街為舉人王世亨立

青雲得路坊在州北窰上為舉人李溥立

國朝

瑞雲坊在州東北吳村為舉人文廷偉立  
雌龍坊在州西德化街為舉人胡文路立嘉慶甲

子年裔孫舜奇舜明重修今存  
研芳坊在迎恩街嘉靖八年為王世謙王世亨立

貞孝坊演武亭西為貞女楊士紱妻陳氏立

貞孝坊在州東八里白沙坡為貞女李應垣妻楊

氏立

節孝坊在州西三十里慶雲都為節婦卓儒珍妻

許氏立

塔附

舊文魁塔一座在城南三里巽方今毀之

按州治無筆峯有三曲水之秀州治州學皆向二

道

曲明隆慶年間衝決射直真氣全洩遂致科名  
 不振萬歷中合學具呈於林知州謂堪輿家有  
 言三曲既壞宜建塔巽方以鎮水口補風水之  
 不及塔造未完而災復存臻黎民猖獗又有堪  
 輿家言造塔有傷州龍康熙五年闔學呈  
 府蒙批仰該州取磚修城修學遂毀焉今三曲  
 水壞康熙十餘年監生楊芳羨生員楊勳等捐  
 募修補環流如故數年之間文運漸興當有科  
 甲希蹤前哲者矣按三曲今仍衝決未有修復  
 按三曲衝決建塔以鎮水口當時創議不為無  
 見但塔與州治相去不遠未免有逼壓之嫌揆  
 其形勢當作一文閣以鎮之而於山尾嶺上建  
 塔似為得宜焉惜毀塔之時磚石俱備不議及

塚墓

此也至舊志載造塔未完適遇災稷亦時之偶  
值耳於塔何尤更有謂傷州龍者妄也州龍從  
西而來由教場西門一帶蜿蜒而入到頭轉身  
向南以作州治巽方係水口與龍脉何涉揚景  
山誌

荆王太子墓在城東北八里山嶺下

曾郎中鎰墓在東山嶺儒巾石之左向艾線溪

陳庚墓在東山嶺后溪山上向后溪村

鄉賢文明墓在多蔭木梯金剛山丁向

鄉賢文應科墓在塘尾甲向

義士文守讓墓在黃桐溪山亥向

義士文衡國墓在通化都烏木根村內丙向

寺觀

天寧寺在城西庠生平光祚捐建又捨田叁拾

畝奉香燈明季庠生陳葵又施田貳拾畝

觀音堂在東關明曾永泰曾永和林應命捐募

建前堂大士後祀地藏兩廊祀十王曾永泰

又捐田塘奉香燈明季庠生蘇可諾捐買田

六拾

龍池菴在城西銅鼓嶺下萬歷中陳知州妻捐

捐施田壹頃康熙中朱仁儒施銅鼓洋田高

低伍拾坵工壹佰伍拾個差米壹石貳斗正

三教菴在龍滾渡北里許僧心圓建知州劉秉

中捐俸買船給僧載以資香火後為射利

者霸去曾光祖斷還

迴山堂

石林山堂

祥雲講堂

文宗堂俱在東山

淨土菴在東山嶺東僧心空心覺建在鷄竺菴舊

址後堂三間前堂三間左右二廊并置田肆

拾餘畝

覺林寺在思馬都草子坡明王家置田叁拾餘畝

報恩寺在思馬都草子坡僧通能自置正廟一間

前廟一間左右廊二間田貳拾畝在大堂園

又拾肆畝在草子坡

潮音寺在東山嶺華封巖置田貳拾餘畝

正覺堂在東北廂石山黃大芒陳東山温南門楊

東山蔡置田貳拾餘畝

福田菴在富仁郡拱榔村蕭楊卓置田捌畝

天后宮在迎恩街庠生陳翼置田叁拾餘畝

雲岫菴在六峯嶺新安郡后坡村陳家置田貳拾

餘畝

地藏菴在迎恩街生員蘇可誥置田拾餘畝

東竺菴在東北廂陵邑廖紀施田二丁蔡家重修

版善菴在廣城郡州人募置田捌畝

廣善菴在宣義郡州人募置田五畝

福池菴在富仁郡潮音村蔡家置田五畝

永寧堂在懷德郡保定村朱蔡黃陳置田肆畝

普濟菴在新安郡后坡村陳家置田六畝餘

逢源菴安在郡崔迪新選創造置田十餘畝山主楊天



錫陵邑歲貢任新安訓導劉文郁置田捌畝

萬隆菴在新安都崔家置田叁畝

西慈菴在教場前吳家置田五畝

兩壇菴在思馬都大園村陳家置田五畝

永盛菴在思馬都大園村離城三拾里

般若菴在城內遊府署西闔州紳士鄉民仝建長

置田在南門洋工四个載差米七升住尼自置

海雲菴在城東二十里臨濟都久廢

鷄竺菴在東山嶺中宋建久廢

一、...  
 二、...  
 三、...  
 四、...  
 五、...  
 六、...  
 七、...  
 八、...  
 九、...  
 十、...

宦績  
宋州牧

州佐附

湯鸞劍南人淳熙四年由武舉知萬安軍討平南

尚王利學寇諸蠻懾服民立祠祀之

趙絳淳熙初知萬安軍黎人王集結三峯叛絳乞

師剿平

劉椿字壽卿嘗領兵平澄邁臨高昌化諸寇端平

初復知萬安軍諸黎聞風相率納款輸貢州人

建黎順亭表其功

陳中孚字子正吉陽人紹興中知萬寧黎賊犯城

捍禦有勞擢知昌化軍

元

揚漢杰字子英蜀人泰定中任萬安軍重修軍治

建書樓購經史天歷初又清學田建艾線橋卓

有政聲士民咸服

資賈舊志列於名宦事跡失傳祇載督民開導踴

容大溪水利甚遠

大都回鶻人至正間由國子博士任萬安軍以廉

稱嘗遣人如杭求魯司寇像及置祭器書籍重

修軍治並艾線橋

明

鄭璉浙江鄞縣人景泰間知萬州政尚寬簡循行

所陌勞來不倦在任一十八載民思慕之

李恭胡廣寧遠人宏治間知萬州廉明公怨民訟

無大故者諭歸思之士有俊秀者課試資給秩

菑去任送者墮淚墮温州府同知

常邦相淮安舉人嘉靖中知萬州政尚寬和不事

敲朴課農禮士禱雨輒應民作過雨亭以志喜

李紹賢號檢齋清江舉人隆慶中知萬州事毋至

孝為政廉靜斷獄多所平反愛民禮士恤貧理

冤一時因圖空虛海忠介嘗稱其為官不入民

怨之錢不以民怨之錢養其親去之日送者遮

道如失慈母

鄭鳳邵武貢士嘉靖間判萬州平易謙恭收支不

染軍民咸德之繼任有戴龍者州民謠云鄭鳳

再來天有眼戴龍不去地無皮

陳宗聖莆田吏員為萬州吏目愛民好士捐俸恤

貧供應常例悉為裁革去之日州人為立碑志

去思

林望福建侯官進士嘉靖中知州

果斷抑

豪強除苛政重學校教民務本節用

民德之

凡晴雨祈禱呼吸響應公事之暇携琴書自娛

有古人風

王一岳號載南連江人由舉人知州事廉簡和毅

築城修學增廨舍庶事畢舉歲旱蓬跣拜祈甘

雨墮之望思明二府

俞與孝鎮海人萬歷中由舉人知萬州簡易慈祥

日用澹泊不以口腹薪水累民遇士有體理訟

不肯防胥吏之奸恤囹圄之苦刁民無敢越訴

府差不敢到州

茅一柱歸安人萬歷中任州事才優學富建學修

署折獄稱平徵輸不擾為民上言罔避忌諱  
補後山創刻州志陞同知

辜志會晉江人萬歷中任州事折訟公明催科不

擾歲大侵捐俸煮粥以食饑民兼勸富民共濟

又東郊石路崩壞捐募二百餘金重砌士民為

之立碑陞南安府同知

林廷蘭龍溪人由肇慶推官萬歷中陞任愛民禮

士平讞寬刑修學建塔重整譙樓申革私稅陞

黃州府同知

毛一公富川人選貢天啟中由吉安府判陞任鎮

密寡言省却供饋里民晏然不擾入覲無資士

民以三百金助之回任清操益勵捐俸修學以

艱歸行李蕭然送者塞路士民於東山路旁大

石刻民不能忘四字以志去思

張璠福建同安進士崇正初任萬州明習吏事規畫久遠持正不敢干以私猾胥鼠伏豪惡斂跡聚生儒於書院躬為講解士懷其德黎畏其威時值饑饉禁訟寬征脩解其餘事也

曾光祖清江舉人由東安知縣崇正年間任天性平恕政識大體宣六諭課生儒以興化為急務舉利除弊擘畫悉中肯綮立社學築城垣建南豐倉儲穀備賑尤為愛民實政

張棟隆同安人任州判簡易端方公平仁恕督糧收支不染清軍勾捕無私疏水利而民得耕周貧生而士佩德常曰人為貧而仕我為仕而貧致政歸行李蕭然



國朝

揚論臨桂舉人以府同知署州事政簡刑清恬靜  
愛民用均平不擾里甲審戶口按米均攤時值  
舉兵征黎編夫運米州夫四百名每名議銀拾  
貳兩公為詳減又值狼兵經過善為調停不致  
騷擾地方待民如家人父子請托不行士民立  
碑建祠以志不朽

馬之驤遼東人廕生康熙十一年任儀容修偉才  
猷練達和而不流威而不猛時高雷多故人心  
搖搖公鎮之以靜地方獲安營兵有驕橫者公  
不畏強禦挺然與之爭催科有方而考成不滯  
防閑有道而吏胥無奸在任數年公差屏跡士  
民敬之上臺愛之擢雷州知府萬人製帳餞

高州志 卷之 宣 貴

送

李炎號錯菴高陽人由舉人歷石城知縣康熙十

七年陞任自丙午清丈之後浮報民糧捌百餘

石連年攤賠民不聊生公力請各憲嗣後凡有

新墾荒田不另起科以補浮額以甦民困兼有

西北二黎墾米叁拾伍石向未上聞者公報明

填入民糧少輕賠額裁省徭費自甘澹泊雖處

時勢極難不肯易其所守儒學朱仲蓮并監生

揚芳羨通學生員李華如吳翹楚等公立傳

張光祖山東歷城人康熙三十八年知萬州揭先

勞二字於退食齋徵收錢糧立分限程期民不

擾而鮮浦萬有洪口陂深陂為利最大光祖疏

濟之潤田數千頃歲凶無憂祀名宦

徐濬正黃旗人康熙五十一年知萬州以恤民為

本兵變後多募征監派濬悉革除之修平政仙

河兩橋民涉不病嘗仿行周官十二荒政以備

災旱歲視民不流亡祀名宦

應上苑江西宜黃人由進士雍正七年知萬州慈

祥廉潔百廢具興改舊所衙門為義學修築東

山石橋脩復州后七星墩開九曲水大路以便

往來萬民戴之陞惠州府同知山東東昌府知

府

席紹葆江蘇長州人乾隆六年由全州州同陞萬

州知州才畧優長愛民重士歲早步行祈禱循

行阡陌勸民灌漑常選生童數十人每月赴署

月課獎賞鼓舞舞議建萬安書院鳩工方始倏丁

內艱州人感思不忘

顧芝江蘇長州人陵水知縣兼署州事廉明慈愛

一切不以累民首捐廉俸建立萬安書院造就

敏勤蒞任載餘案無留滯人心悅服衙門肅清

望連州知州德安府知府

孟毓著江蘇長州人樂會知縣兼署萬州事精明

廉幹才識優長甫到州草萊小書萬民歡悅尤

善聽斷兩造帖服延師掌教廣造人才值黎人

茲事往來倥偬辨理一切不以擾民保全冤黎

六家黎人感泣州人赴府保留郡太尊慰諭

久之在樂署病故囊無餘貲州士民與樂邑共

捐五百餘金扶櫬歸里至今兩地猶思念之

周本蔭直隸新安舉人嘉慶七年署州事廉明有

明教職

威蒞任兩載案無留獄吏不擾民舊辦春色久  
焉民累下車伊始先為革除至今民猶愛戴焉

黃榮潮陽人任州學正模範整飭教訓有方以經

書授諸生講明其義受業者多登仕籍

楊謨香山人正德間任州訓導慷慨好義博學洽

聞教訓不怠

吳復清南安人萬歷間任州學正薄聲利崇節概

遵古道卻贊儀文學德行不愧師表

陳宜柳州人任學正舊志列名宦而失其傳事實

不可考

劉琮邵武人由貢任學正立心坦直制行端莊革

國朝

去 學中一切舊弊貧生費儀絕不較量後以左遷

朱仲蓮新寧縣人由歲貢任學正恬靜以養其心

澹泊以明其志端莊儒雅綽有師範

梁英佐嘉應州人由從化教諭調萬州學正博通

經史雅善詩文接諸生諄諄誘掖設文外不旁

及一語丙子冬赴公車中丁丑進士授戶部主

事陞員外轉陞監察御史兵科給事中

彭雲際惠州陸豐人由西寧教諭調萬州學正才

識淹通毅然持正與州人士重脩明倫堂鼎新

學宮殷勤督理不辭勞瘁訓諸生和顏齊色人

知自愛秩蒞陞四川鄰水縣知縣

國朝武畧

崔天福大興人順治十八年授萬營遊擊言詔期

期濶度雍容然而神氣沈毅整飭軍政無粉飾

之事蒞萬一統兵民一視同仁後陞松江叅將

去之日軍民攀轅卧轍勒石以志去思

霍時御仁和人康熙十年授萬營遊擊通於文墨

禮賢下士紀律嚴明兵民俱賴之十四年以公

事勤勞疾卒於官

董三策江南人由進士康熙十八年授萬營遊擊

嫻於竊畧長於翰墨於書無所不讀於人無所

不愛雍容儒雅有古名將風甫至營即釐剔軍

政盡革陋習愛兵如子然三尺凜凜不可犯時

勤操練信賞必罰兵民相安威名遠播先聲奪  
人嵩黎罔敢出沒為患地方賴之至於沒泊自  
甘一介不苟其餘事也

夏仲英陝西人由世職康熙八年任守備十四年

兵民保留管遊擊事武略熟嫻威聲赫濯是時

地方多故他處兵卒乘機害民獨公殫壓萬陵

樂三處紀律森嚴寸草不動萬民愛戴又捐銀

叁佰兩修東山海潮寺捐銀捌拾兩修東山脚

下至東關大路敬神佛通禪宗澹塵緣知因果

古今罕邁奇人也候補遊擊

申進忠河南人由行伍任守備至誠樸茂坦易和

平禦兵有法盡職惟謹癸丑年黎賊數千圍劫

白茅營公以單騎殺退名震瓊南兵民俱賴之



劉顯貴真定人由武舉任守禦千戶胸襟蕭洒才

品優長徵屯糧則尚寬檢屯軍則多惠甘於澹

泊不事威嚴惜乎官秩閑散不稱其志

吳勝福建人授萬營遊擊武畧優長正己率屬兵

民一視同仁兼重斯文後陞吳松營叅府

廖國寶福建詔安人由進士侍衛授萬營遊擊

恩優長氣宇卓犖檢馭兵弁恩威并濟值黎人

滋事星夜帶兵親赴寶停務擒其魁黎人旋潰

躬冒烟瘴得病而故兵民慟之後以軍功獲子

監生

陳鏞直隸人武舉乾隆年間授萬營遊擊治兵

明嚴整飭軍政後因冒瘴卒於陵士民惜之

陳登揚朔陽人乾隆年間任萬營守備生黎茲擾

民情洵洵公親帶兵深入五指踰毛輝嶺擒獲  
元兇征服黎蠻三旬有餘熟黎為之椎牛以迎  
贈香不受凱旋後官寮紳士咏歌其事

宋 謫宦

李綱字伯紀邵武人政和二年進士宣和中金人

俞盟欽宗受禪綱為尚書左丞與耿南仲議不  
合徽宗南幸還京綱請防耿南仲阻之以綱主  
戰恐防和議遂罷綱金兵再至上悟和議之非  
召綱勤王未至而都城陷高宗即位拜右僕射  
兼中書侍郎上十事擬姚崇要說力諍張邦昌  
借逆罪不可赦請贈恤死義諸臣上從之尋為  
黃潛善汪伯彥所譖落職徙萬安軍安置至瓊

次自詔移雷州祀景賢祠

曲端字正甫鎮戎人初以父戰沒授三班借職歷

都統制知渭州建炎四年兀術窺江淮宣撫張

浚議出師端欲訓兵秣馬浚不從遂罷端兵柄

再謫海州團練使萬州安置

白譎紹興間為內侍歷石武大夫自金歸宣言張

浚名聞中外而不見用秦檜奏繫大理寺又聞

浙大水譎復言燮理乖謬及尚書黃皓不宜擢

斥檜怒配萬安軍時太學生張伯麟與譎善嘗

題壁曰夫差爾忘越王殺而父乎檜怒刺配吉

陽軍

楊煇越州人與李光同郡時與金人議和光為叅

政煇為書責光以不能正和議之非後為黃巖

令有詆秦檜語除名萬安軍編管  
于鵬為岳飛部下叅議與飛盡忠報國秦檜惡之  
亦除名萬安軍編管

邱世傑侍御史致和戊辰秋燕帖木耳謀逆執下

獄懷王入京九月流世傑於萬安軍天歷己巳

至郡二年召還

荆王子撒敦王之後至元中以高昌王事累謫萬

安軍安置數年卒

罪放附

宋

孟齊建炎中為威州防禦使紹興九年許告韓世  
忠陰事詔編管建州世忠復奏欲誅之移配萬

安軍

蕭澤之景定中為制置使坐蠟書通賊竄萬安軍

揚若胥吏不宜列于罪放今刪之

流寓

宋

劉其男號梅溪潮州人宋季避地居萬博學工詞

賦以教州人元初隱居不仕

蔡遂孫字和甫潮州人襄之後自號陶隱宋季避

地居萬隱居授徒時憲臣文章薦之力辭不就

元

劉復初為萬寧軍學官坡院山長御史邱世傑喜

與之遊嘗稱之

明

國朝

崔宏岳字泰山福建莆田縣舉人洪武年間作宰  
 陵水廉惠得民講學造士嚴馭吏胥革除諸弊  
 一時有召父文翁之稱予告之日民不忍離勒  
 石以紀德政爰寓籍於萬安新安都衙後鄉迄  
 今瓜瓞蕃衍衣冠不替

常上字升菴山西聞喜縣人由康熙辛卯科舉人  
 授黃陂縣知縣罷官歸偕婿瓊山尉劉明到瓊  
 秉性懇直學問淹通瓊人士多持詩文就正常  
 示學者以經史古文及明大家  
 國初大家之文乾隆三年延請來萬掌教經公教  
 育者多所成就石次年劉道憲聘掌教瓊臺書  
 院郡人士彬彬濟濟多出其門比歸門人恭製

補遺

壽圖各賦詩以送劉道憲序其顛末并冠以詩

郭

珣明宣德元年丙午科舉人文昌籍任永淳教  
諭後遷籍於萬十宅加搖村為萬安郭姓之始  
祖終墓加搖村壬山丙丙迄今子姓蕃昌書香  
不替





宋仙釋

文

趾道士號漫叟年九十餘因渡海船壞結庵於  
 金仙河石上養一鷄大如倒掛子曰置枕邊啼  
 即夢覺又養一獼猴小如蠍蟄以線繫凡案問  
 道士飯畢即登几食其餘又有一龜狀如錢置  
 盒中時使出戲衣袖間僧惠洪見戲指其面曰  
 公小人國中引道神也後莫知所之  
 僧光迪高州人寓天寧寺沉靜少言結巾度日價  
 隨人多少每日惟午後一齋伺天及諸神拜畢  
 乃食如此三年不飯而菓拜如故忽五日不飲  
 食示人以詩求施柴火化至期欲兩州人捨香  
 柴堆積如山拜辭諸佛上坐焚至足顏色不變

此時雨如注而火不滅竟化焉生員林大佐平  
光祚等捐金築塔于教場右瘞之

僧無非文昌人幼年削髮入華封寺為僧靜默修

道不與世為緣晚年大開戒壇遠方來受戒二

三百人齋戒誦經日夜不輟又長於詩紳士來

遊者互相酬和年七十五坐化

僧見我文昌人自少父母連亡旁無伯叔不得已

投生佛門長而齋戒至誠拜佛誦經日無休息

始服事本州龍池菴繼服事陵邑三昧菴后服

事本州覽林菴出入僧冠僧服瞻視不苟凡禪

門徒第一遇而惰慢全消猶嫺于文詞嘗與學

士文人賦詩贈答服事三菴一從節儉其所積

貯復建草子坡報恩寺置田叁拾畝畝遺於  
后臨終之日先覺先知一睡溘然而逝蓋亦僧  
之罕觀云



黎岐

黎岐

分生熟生黎居深山性獷悍不服王化不供賦  
役足跡不履民地惟與其類自相讐鬪有惠及  
居民者以熟黎為之棧也以木為弓以竹為弦  
鐵鏃無羽出入不釋手以標刀為弋以角為甲  
器用土釜瓠瓢飲惟椒酒以擊鼓為樂以射獵  
為生以刻箭為信誓以割鷄為占卜俗重復讐  
有殺其父祖及鄉人焉累世必圖報復地產沉  
水香多檳榔椰子少焉及翠羽黃蠟之屬結茅  
為屋如覆盆上以居人下畜牛豕衣用布縫如  
單被或織吉貝為之前後下垂無袖穴其中夾  
以頭貫之下體為裙長不掩膝椎髻跣足挿銀  
銅釵花慢纏頭戴膝六角帽婦人高髻釵上加

銅環耳環垂肩衣裙皆五色吉貝裙曰黎補不  
 着褲女子將嫁夫家須至涅面之式女家大會  
 親屬以針筆涅女面為極細蟲蛾花卉謂之繡  
 面女婢則否親死不哭不飯不食糯米惟食生  
 牛肉以為哀痛之至割圓木為棺墓則昇觀而  
 行令一人前導以鷄卵擲地卵不破處為吉穴  
 外人欲入其地必倩熟黎為導與貿易不欺亦  
 不受人欺與人信則如至親借貸不吝或負約  
 見其人即擒之以為質加以橫木償始釋凡負  
 錢一緡歲加一倍十倍乃止生黎中有附居五  
 指山側者一種名曰生岐性猶勇鷲即生黎亦  
 不相往來與猿猴麋鹿無異焉

黎本南恩藤悟高化諸州人多王符二姓其先

世因從征至此利其山水田地創為村崗以  
入者為崗首同入共力者為頭目父死子繼  
亡婦主亦多聞廣亡命雜居其中有納糧當  
之崗有納糧不當差之崗性亦獷橫不問親疎  
一語不合即持刀弓相向其妻當中一過即解  
坐無尊卑病即槌牛祀鬼喪葬必解牛歛密香  
則鞞鞞會鄰崗男女粧飾未遊携手并有歡歌  
互答名曰作劇有乘時為合婚者父母率從無  
禁婚姻不避同性近生黎者習俗同生黎常因  
爭忿起釁屠牛聚眾構生黎以為患其近民居  
者直與齊民無異近多遵守王化難髮着褲并  
令子弟讀書諾為黎語與瓊州言語名別各黎  
亦互有同異生熟黎力田歲皆兩熟并植雜糧

州屬諸黎村崗凡九十有三曰龍灣曰居勞曰

離曰仙家曰坡頭曰四馬曰番根曰芭茅曰

臻曰爹寨曰妻蠻曰白包上曰白包中曰白色

下曰孚陀曰孚陀小曰墳旦曰牙密曰牙巴曰

墳盡曰番郎曰那根曰白色曰番花曰那打

調機曰那堅曰浮徒曰白色曰符花曰番真曰

千敲曰那爹曰番奴曰番陳曰富孝曰牙南曰

甫貪番潤曰那甫白曰麻江壞曰墳餘曰小曹

慢曰著乍曰那班曰番月曰那班白曰從化曰

磨思印曰貪貝曰番蓉曰我沙曰番文曰番

仔曰番論曰牙殺曰閩儂曰牙坊曰那隨曰

貪閉曰剛華曰千斬曰那甫曰富群曰小富群

曰符番曰那喃曰卑孕曰平石曰窮頭曰居引



條議

曰南頭曰加小曰卑休曰郭村曰陳婆芋曰青塘曰居秋曰加村曰橋頭曰大比水曰菩提曰高石寨曰北嶺脚曰番鳳曰加扶曰南對曰排捕曰水尾曰西大水曰買猛曰大翁曰新村曰石水曰西嶺曰晉禮曰鵝鵠啼按州西南則鵝鵠啼崗與陵水黎亭等崗潛通北則龍吟崗與思河縱橫二崗潛通不復統於土舍常出為害近改西崗北崗大平崗設立長沙坡心兩汛每汛駐防外委一員每汛步戰守兵三十名甚得其要

明茅一

一旌黎兵議曰復黎兵而以崗口民熟習弓箭者充當有五便焉蓋原額黎糧約募兵八十

名今華募兵即以編充黎兵之餉則募兵一名  
 之工食可養黎兵二名是得兵一百六十名矣  
 更以思馬卑紐卑凹普禮四箇鄉勇選取一百  
 二十名為之翼助並統於州調度盡華哨官名  
 色永不得以他哨鑽謀代管則上無糾索而下  
 樂為用其便一旦募兵皆異棍情民挂名為守  
 本官之差役本兵之閒遊不可稽查若黎兵各  
 有家室常業無遷徙閒遊之慮而食官糧以自  
 衛身家樂守而守必固其便二又往年之士舍  
 郎土官也專督黎兵彼得借兵威以彈壓黎岐  
 故緩急可用今不必別設官哨選近黎民戶有  
 身家識黎情少有勇畧者二人立為正副土舍  
 稍假以冠帶寵異之總轄二崗不必分任以恣

其推委仍於蒲葦南頭咽喉處所各設一營以扼其衝其長沙等處存為浮鋪以遊兵往來巡邏哨探且令切近居民聯屬守護有事即兵無事即農此與募兵名存而實不足用者相去遠矣其便三又黎兵苦於他哨之統轄情不相安茲以其所出之糧銀衛其所居之土地以其素所信之人推為土舍以統馭之更稍免其排門之差以鼓舞之則近黎之民樂為兵無不朝令而夕赴者其便四自鄉老黎兵之名革而近黎諸邨無所聯屬倚藉以自衛是以居民逃亡黎田荒蕪而糧多空賠今復黎兵則有可耕之地無侵盜之擾昔之逃散者將漸復故土而墟市可立營堡益固永可無黎患矣其便五此雖一

得之見實亦萬全之策主計詳之  
曾光祖設營增兵議曰本州枕黎襟海其田斥鹵  
率種椰椰為業又有颶風之害當此而求盡地  
利難矣今博採輿論有水尾峇口一路去長沙  
坡心二營甚遠黎寇常恣意焚掠以致田地拋  
荒稅糧損額歲以千計查本州兵餉叁千餘兩  
強半協濟陵崖二處合無留貯本州於水尾峇  
新設一營募兵百人以慣習武藝者統領之為  
守禦仍於長沙坡心二營添募兵丁補復舊制  
名數如此三方布置率然如常山之蛇首尾擊  
應則黎不敢蹂躪民農復業國課不虧以萬餉  
養萬兵衛民興利事有全利而無一害者  
按黎之出劫萬陵也水尾所必由之路立營決

不可已若南萬一營雖屬於陵而餉給於萬及  
黎由水尾而至南萬彼二十名之兵不能挫其  
鋒是無益於陵而徒糜餉於萬也不如總立一  
營於水尾岢增兵協守以遏其出路則南萬自  
保無事而萬陵俱受其利矣若剥萬脂以養陵  
兵而萬歲受陵害豈得理哉

憫群黎文

明鍾芳

予觀黎獠之俗而思人生之始與禽獸無異聖人  
繼作然後生民之道立焉瓊之黎去中土遠其俗  
去禽獸無幾矣裸體浮面言語侏儻無冠履裳衣  
之制匪惟禮義不知亦或不知有郡邑也况知郡  
邑之上有大憲有朝廷之尊乎然其重契箭謹信  
約毫髮不爽怒或叛其父而於母也至死不悖唇

牛而祀天。呿呿吁吁。齧俄豕趨棧。居蓬處野。偶而  
腐葬。敗穢渾靡之風。固在也。其太古之民乎。使得  
沾聖人之化。以漸之。則不曰而變矣。鳥獸之聚也。  
其中必有敗類焉。於其敗類者。奮爪牙而與之角。  
其恒性也。角之不勝。則委尾而從之。非得已也。而  
不知者。遂欲盡彌其類。亦忍矣。彼黠愚群狙而弄  
之。股掌之上。顛倒而左右之。以厚其黨。是長蟲而  
叢蠹也。類滋敗哉。况夫聖治隆昌。氣化日南。環四  
面皆華風矣。巾間黑子之地。顧獨後乎。董之以威  
裁之。以權睽而携之。漸而柔之。申畫封疆。時經理  
之。無逸渠魁。無上首功。舍舊圖新。會於大同。斯善  
變者也。

國朝

條議

制軍楊廷璋據王檢奏黎山善後事宜

一客民黎人宜分立村落也查黎與民同隸版

圖原不應過分畛域但民黎性情各別今客民

盤剝欺凌黎匪逞忿焚殺皆由民黎雜處以致

釀釁生端若分立村落各設守望各安生理則

弊者弭應查明客民久居黎地有家室田園

廬墓者使之聚集自立一村戕獲營生營業或

有附近數里之單身客民挿居黎村者令其移

住客民村內另編保甲按保設立甲長地方官

給以門牌稽察一如保甲成法以時稽查約束

至黎村仍責成該總管黎首稽查約束不許黎

岐往來客民村內私相借貸遠者許該甲長黎  
頭等赴官稟究隨時懲處甲長黎頭徇隱不報  
別經發覺一併責革一從前之錢債數目宜詳  
查清理也出本生息不過三分重利盤剝即干  
嚴禁現在黎與客民所借之賬應飭各地方官  
徹底查明如非違例取息已收一本一利者即  
將借券繳銷無庸再還如尚未收足本銀者仍  
令歎戶清還如實係重利盤剝者除一本一利  
外將取過多餘息銀追出充公未清之數歎戶  
免其歸還此番清理之後永遠不許客民入黎  
放債遠者嚴究並聞原籍一民黎交易宜酌設  
墟場也查瓊南藤板香料以及雜貨等物多出  
自黎崗山谷今既禁客民黎人私相借貸重利



放賬若不酌籌交易之法則貨棄於地黎人悉  
免拮据應飭各地方官各於附近州縣城外  
防地界設立墟場一二處或兩三處按一四七  
二五八三六九定以墟期俾源源赴墟彼此交  
易黎貨既以流通物價又復公平每屆墟期責  
成該汛巡檢并兵督同黎頭保甲赴墟彈壓稽  
察該管州縣府廳仍不時嚴查倘有借端索擾  
等弊官弁則詳揭叅究兵役則革退治罪一熟  
黎宜令剃頭以昭畫一也查黎人有生熟兩種  
生黎深處五指山內向來不納糧課巢居野食  
頑蠢驚悍無異犬羊仍聽其自便外至熟黎環  
居五指山脚性情雖與民人各別而耕種納糧  
當差涵濡已久是以各屬多有剃頭黎人欲自

附於齊民者但未著焉令未經剃頭之熟黎尚  
多殊非畫一應飭令該黎崗總管哨管黎頭等  
曉諭各熟黎普行剃頭地方官設法獎勸使之  
欣然樂從既令其漸次成風併杜其假冒生黎  
滋事潛消擴得之習一貢不貢香宜酌定章程  
也瓊郡每年例辦進貢花梨沉香向來各州縣  
承辦花梨木係專差領票赴黎購買令黎頭送  
出交官按詳定價值發給其沿途扛擡係飭該  
黎頭挨村撥夫運送查差役入山採木押夫扛  
運不無擾累嗣後應將年額貢木尺寸長短飭  
量明白曉示預發價值勻派總管哨管黎頭分  
辦正副件數定期運赴地方官選用按價核算  
給清以杜差役擾累之弊如踰期候貢及不合

尺寸觔量以膺木塘塞惟該總管哨營黎頭是  
問其沉香一項亦預發價值勻派總管哨營黎  
頭分辦將上好香料送赴地方官選購核給銀  
數倘有總管黎頭等貪得重價偷賣上好香料  
與外販者查出重加懲創仍行倍罰但不得短  
價指買或吏役刁難索詐一經告發或被訪察  
官則嚴叅吏則治罪如總管等逾期悞貢重處  
責革一漢奸潛入黎村宜實力稽查也查各處  
要隘俱有汛弁巡檢駐劄凡出入黎山崗口之  
人務飭兵役盤詰明白然後放行如有將漢奸  
私放入黎及佐雜營弁有出票差人入黎者一  
經察出定將該員弁叅處兵役革究正印官催  
徵錢糧勾攝公事祇許票差黎頭勒令交出



蛋戶

蛋

人隸州者若新潭東灣等處茅屋居海濱業漁以魚赴墟換穀歲納魚課婦人髻垂後或挿簪色金戴平頭藤笠負販長至日宰牲備酒招親隣曰依冬節近日不使得捕魚納歲課焉

番邨

番

本古占城人元初遭亂泛舟泊於州境海濱尋遷居城西曰番邨明初隸於所與軍餘同事多莆姓番語不食猪肉宰牲必見血方食不供祖先識番書者為番長設廟祀番神朔望誦經合掌羅拜每月輪齋當齋者延不下咽見星月乃食男子素白纏頭不飲酒婦女髻垂後短衣長裙以燒灰染菁為生女料嫁親隣往饋貨以手

萬州志 卷七 蛋戶

模其面慟之沒不棺但以布裹骸側身而葬及  
今風化日久凡衣冠典禮與中州一轍焉

番

番人自古古姓人氏皆能辨其與番人同  
番人自古古姓人氏皆能辨其與番人同  
番人自古古姓人氏皆能辨其與番人同

番

番人自古古姓人氏皆能辨其與番人同  
番人自古古姓人氏皆能辨其與番人同  
番人自古古姓人氏皆能辨其與番人同

萬州志卷十

列傳

元

王麗珠世為崙首元至正間陳子瑚陷州城麗珠

率義兵討平之元帥陳安遠擬授萬寧縣主簿

已而土酋符奴達陳傑甥等竊發子瑚弟有慶

等復攻城麗珠又舉義兵收捕之達魯花赤大

都請於元帥分司令隨縣尹統民保障明洪武

初又以剿平草寇王廷金功復加賞勞子晉養

為黎首管黎

明

馮宣仁孝都人學問該博中永樂癸未鄉試授官

唐藩紀善風節自持尤善詩賦王雅重之及歸  
惟圖書數十卷祀鄉賢子謙正統辛酉鄉舉授

岑溪教諭轉巴縣所在士風丕振

徐祥先世本常山父官本州稅課司生祥半月遺

而歸鞠於母及長孤苦力學登永樂戊戌進士

尋抵其家題詩云曾念貽謀在海涯棄子隘巷

一呱呱誰知萬里支離子天宥教來識父家後

知歎縣以母老辭歸遂隱而卒州人登進士自

祥始祀鄉賢

王文明字孔昭宣義都人以人才授交趾主簿海寇

侵境率兵剿擒郡守欲奏請加秩明辭歸事母

至孝友愛其弟分已產與之祀鄉賢

徐福字德純天性至孝以古人自期讀書必求其



詭父病思美味諸品無適意者福仰天祝曰苟  
愈吾父吾何愛此身遂剗股調羹以進父病尋  
愈福中景泰丙子鄉試辭職歸養祀於祠  
曾瑁字德玉幼孤篤學年十三為郡庠生家有積  
券悉焚之景泰丙子舉於鄉倉大使羅紀坐累  
妻適亡託以二女瑁穴門予食比事白酬之一  
無所受成化甲辰知永嘉多惠政有母訴子不  
孝尋自悔持百金為子贖罪瑁嘆曰父母愛子  
人心所同遂却金薄懲而釋之尋以憂歸補懷  
遠子鎰登第遂致仕卒年踰七十祀鄉賢鎰字  
時重宏治癸丑進士授南京戶部主事督儲中  
都及期當代府衛官軍赴部乞留一歲尋監浙  
場鹽課商人德焉歷浙江司郎中歸省卒於家

曾士元字仲仁瑁曾孫也篤於孝友父魯患瘡犯

豕肉致死士元見肉即悲泣終身不食母李氏

疾躬侍湯藥執喪水漿不入口哀毀數絕非杖

不能起三年不入寢室撫孤姪若已子復割田

以益之由貢任福清訓導多所造就

曾永和號懷靜由貢任連江訓導母老致歸自甘

澹泊

文應科幼孤事母以孝聞家貧力學由貢謁選見

同袍魏德年高固讓後任勛陽府判多善政化

節為孝子勸杜良為慈父勛民德之以疾乞

休行李蕭然友愛其弟應科以田產讓之設書

館立約亭化鄉族人於善母疾六載湯藥必親

及卒痛哭幾絕終身奉時祭嗚咽流涕行誼表

表州中

曾暉德性寬厚器度宏深事祖父母以孝處弟以友侍親友以義生平不喜道人過失與物無忤嘉靖間由貢授福安尹善於其職致仕家居年八十終

余謹秉性孝友素履端潔出仕以清白勵官常居家以田宅周族戚凡族中婚嫁喪葬捐金助之宦歸二十載以一經課子孫不以私事干有司事關利弊則言之縷縷州人賴焉年八十六終祀鄉賢

吳玠

任柳州訓導居家孝友公門不入州守李紹賢贈詩有云文章之士從來有孝友如公可謂

難

吳階任化州學正孝友溫和慷慨博洽兄玠事之

如父周濟親隣無所吝惜歷教職三任多所造

就以母老辭歸居家益勵清操輿論重之

余繼先律已有法與人無忤授太湖縣丞居官勵

節家居授徒講學樂道甘貧時論推服太湖令

楊卓然送公詩有云胸次澄湖水半稜歛晚峰

盟唯知己結緣不世人逢可謂知言

韓京德恩選富陽丞敦孝友重然諾居官清操自

矢聞母故哀毀病卒宦囊如洗聞者悲焉

王敬一廩生性孝友隆慶壬申海寇迫城負母逃

難勉迫母令速去敬一不忍卒死於賊母革獲

李廷槐琉川人性至孝塋母於龍骨山築室於旁

寢苦枕塊朝夕哭奠立祖墓誌碑十餘座修通族譜儒士也

吳必大萬寧人嘗有商失鈔於江浙顧而不捨待

遺者歸指而還之一節小善依舊志始存之

吳顯昌宋末庠生元初舉茂才不就人間之答曰

吾父宋官吾為宋人今若出仕何面自見君父

於地下乎大德間捐募開鑿洪口捨田四段開

溝以通水利

歐濂甘貧力學恬淡無求由郡庠出貢病革有持

參百金求代其貢者濂曰吾今將沒雖付千金

誰用之吾止一子成敗有命不可以非義累之

也求者嘆息而去

李剛本性好善捐白金壹百捌拾兩助遷州學

曾紹科士元子也孝友端方居喪三年不與賓筵

堂妹無歸姪孫失怙咸為撫養嫁娶倡建學館

誨人不較束脩訓四子俱遊庠當貢而卒

平光祚郡庠生仁厚寬宏口不言人過犯亦不較

西黎壩路泥濘難行捐金五十餘兩砌橋修路

行者便之

李可棟郡庠生篤實端方家貧竭力奉母及沒喪

葬之資皆所自盡不及其弟時海寇亂鄉人有

寄箱於其家者賊去呼而還之不乘機借口亦

人所難

林大佐曾任教諭篤友愛好施予捐金五十兩修

馮吳橋易木以石妻曾氏亦捐金四十兩修東

山大路可謂富而好施者

文守讓應科之子謙恭好義歲饑捐貲救民煮粥  
以濟行者施棺槨券捐金修路葺州守給以冠  
帶旌匾

韓偉時憲迪之子郡庠生孝友正直不亢不阿分  
產義似薛色居鄉行同陳實取與不苟遇事直  
言教子三人皆成令器

蘇可誥郡庠生居家待母絕跡公庭族人失怙恃  
者咸為撫養嫁娶施粥以濟饑民捐金以助遷  
學象高其義

文衡國附監生為實不忤於物事兄恭敬族妹無  
依者為出嫁資先用價買南門外舊學基地及  
後遷學復回不索原價又以金七十兩助工亦  
士林之好義者

李獻字德玉號南溟瓊川人兄弟七人獻居末篤

實穎敏慎取與重然諾不以言色詆人弱冠遊

庠侍母疾湯藥親嘗居喪自盡不與諸兄較

母既沒慨然有尚友古人就正有道之志入粵

學於陳白沙白沙卒又師事其高弟李子長講

學三年歸作栽花閣釣魚臺嘯傲煙霞著有南

溟集養癡集鳴情集一時學士大夫咸以道學

稱焉

王文字煥章少篤學工舉子業屢薦不售志益堅

以名義持身以耕讀教子孫士大夫高之屢造

盧訪焉郡志稱其痛斥異端與物無忤壽八十

餘子曰佑曰章貢入太學孫世亨世謙連中鄉

試數世衣冠不絕



舊志論曰鄉先生所謂沒可祭於社者非歟以前  
志所載嘉言懿行表表一時果其皆合乎清議  
當乎輿情與否則昔人任之因而傳疑傳信無  
所容余軒輊矣若乃孝人道之大端也聖門不  
輕許人孝人子非遭不幸如舜閔不以孝名彼  
尋常菽水溫清生養終葬事屬分內不足以云  
云也前志專稱孝行者寥寥兩人而所載事實  
又不詳核余因而書之隻字無敢增減蓋事關  
名教不容不慎焉至於義行之儔如不仕元之  
吳師白沙之李處羣流汨汨中卓然自異豈非  
海表人傑乎哉即附鄉賢諸公後抑奚愧焉其  
餘操行謹飭居鄉和厚固亦有足多者按厥事  
跡或不拾遺金或不匿財物或施棺施粥修路

國朝

修橋大抵富而輕財所云鄉人之善者耳於當  
世之輕重何與正恐累牘連篇表揚不盡然昔  
人既已登之片長可取不忍沒也較之奔競龍  
斷寡廉鮮恥昔其賢不肖又何如哉

國朝

王世雄字帝宣北門人品行端方孝友足式莊嚴

以持己和平以待人勤課子姪衣冠不替不營  
謀乎勢利專銳志於經史雍正丙午登賢書為

黃尚志字以求王梨人家貧力學精熟六經遊庠

後師事瓊山名宿謝賢凡評論課藝許其闡

中必雋果中雍正壬子舉人惜天不假之年未

及耆艾而卒

許官吉銅鼓人學博行方四歲貢選徐聞司訓罷  
歸逍遙林下十有餘年絕跡公庭老成端重士  
論重之

王玠歲貢生北門人積學敦行方正自持善處族

黨與物無忤教授生徒并多成就人重其行

吳成文歲貢生排溪人寬和慎重善事寡母坦懷

接人嘗與當道修復七星墩創建書院督理不

辭其勞

劉廷鎰演勝街人胞弟蚤亡遺孀與姪鎰撫養婚

娶視如己子家業子姪均分頗有田氏風焉且

樂志詩書建館延師訓誨鄉里子弟凡窮人死

而無歸者買棺埋葬鄉人共推

陳偉文演勝街人府廩生制行不苟樂育人才有

異籍人貿易所得銀兩託女存貯忽然病故女將銀殯葬餘刺盡交天寧寺以為香燈資不肯

陳國煥迎恩街人州庠生好讀書淡世利天性醇

篤事親以孝聞父母終寢土三年不入寢室子職克盡時人嘖嘖稱道勿衰

周國寶仁孝都曲冲人例貢生志潔行芳毫非不

梁周給隣里撫恤困窮且嗜學不倦詩書傳家

未嘗溺志於勢利云

葉有蕢宣義都水瀛人歲貢生行為端謹博授生

徒時人稱為忠厚長者

楊斌庠生后朗人端方正直視姪如子兄弟三人

友愛最篤家範嚴肅教誨殷勤隣里推重人以

為有田氏之遺

王禘禛庠生北門人端方耿介動必循禮里有失  
行者畏為所知有王彥方之遺風  
卓雲龍廩生水沙人潛心力學不履公庭教授生  
徒多所成就  
麥發盛庠生西門人居心坦直取與不苟居喪循  
禮安分守素教子克勤  
楊華處士後朗人友恭篤實行必以善與兄弟同  
居合巹家計淡泊勞必躬親和氣怡怡猶勤教  
子汎寓常上每高其行  
吳良煥歲貢生書田人涵養靜默素履不苟順承  
繼母與諸弟共處一門怡怡  
劉國瓊處士新澤人方正好義嘗捐已糧田差米  
玖斗餘造馮吳河官路渡船養贍渡子以濟行

人行者德之

吳辟桂歲貢生祿益人聰明穎悟淹通經史教授

生徒表正鄉閭嘗建祖祠以睦族黨修石橋以

濟行人謙卑遜順為月旦推重

卓如山拔貢小南山人沉酣經史揣摩制藝為文

矯矯不羣因家世沒泊少赴棘闈引誘後進成

楊名者象士林推服

裕後郡庠生後朗人年將及冠始就學館篤志

力學讀書至廢寢食猶精熟左國與兄斌沒泊

鍾自守墳麓並奏德義著聞鄉人稱之

熙朝廩生廣城都人耽古書沒世味秉性剛方

見義必為嘗出貲築和樂墟門石路以便行人

壽八十餘

楊

名山歲貢後，詔人行端履。潔見義必為，潛心力學足跡不入公庭。督修學宮，創捐仙河石橋。又精於岐黃，救濟者衆。以子官疊受封贈，人以為隱德君子云。

楊

景山字仰齋，後朗人。端肅溫和，博聞強識。年弱冠，登賢書，五赴禮闈。乾隆癸未成進士，處家愛敬族黨，所宗教授生徒，先敦德行，文人善士多出其門。修學宮，建書院，事闕各教，皆孳孳為之。丙申作宰，崇義獎誘士類，軫恤民艱，去任宦囊蕭然。士民餞以衣繖，送三十里，猶愛戀焉。生平不治產業，惟以詩書課兒孫。至老手不釋卷，故簪纓世及。卒年七十三。州守進士李大根偕同祭親，淚奠蓋重其品。詔云。

楊岐山後朗人性嗜學沉靜寡言為童子時精熟

性理或問語類等書凡為文立就成稿從不加

減一字中乙酉副車歸而愈學遂成痼疾士林

惜之

卓筆峰恩貢水沙人家世淡泊刻苦力學生平以

道自重不肯在己徇人友教生徒多所成就東

南佳子弟無有不受其裁成者

吳延陵書田人州庠生家貧力學尤篤於孝七歲

失怙事母以禮母氏屢病持齋三年禱祝無恙

其母壽屆期頤

許成德字純甫扶峯人天姿曠達文詞風流專遜

志于詩書一切治生之謀皆其所不屑乾隆庚

辰登賢書授樂昌訓導彼時父翰魁司鐸潮陽



子敦仁司鐸翁源春風桃李三代並著亦足徵  
一門之盛云

楊士鼎字龍文後朗人景山胞姪也聰明穎悟

姿不凡加以學有淵源詩賦文章綽有餘裕由

拔貢中乾隆庚子舉人時則教諭三水厥後歷

任香山欽州陞韶府教授多士景從成就者衆

跡其生平胸懷灑落塵氛一空宦遊則

贈雙親祿及則周濟諸弟重修萬安書院建

昌魁星樓州人至今稱道勿衰卒年七十有六

楊士霖字沛蒼後朗人學由積累行歸篤實嫻於

教造士者多精於醫活人者衆由歲貢授惠來

訓導年已六十有四兩任惠來復調欽州紳士

贈以帳贈以屏銘其德澤不忘司鐸十六載而

歸田猶從容歲月訓誨兒孫享壽八十有一蓋

天之篤其祐云

李碩煥字文甫宣義都琉川人廩生品端行潔勤

學能文父母有恙奉侍湯藥不離左右以教讀

為業其成名者象謙和步世敦厚持家為旗黨

所推崇亦比閭所罕覩

李碩煥字文甫宣義都琉川人廩生品端行潔勤學能文父母有恙奉侍湯藥不離左右以教讀為業其成名者象謙和步世敦厚持家為旗黨所推崇亦比閭所罕覩

李碩煥字文甫宣義都琉川人廩生品端行潔勤學能文父母有恙奉侍湯藥不離左右以教讀為業其成名者象謙和步世敦厚持家為旗黨所推崇亦比閭所罕覩

李碩煥字文甫宣義都琉川人廩生品端行潔勤學能文父母有恙奉侍湯藥不離左右以教讀為業其成名者象謙和步世敦厚持家為旗黨所推崇亦比閭所罕覩

明列女

史氏庠生張鵬翼妻年二十翼遊學卒於粵西訃

聞史勵哭屢絕及喪至自縊於棺側官為立祠

陳氏紀明欽妻年十七歸欽越四年欽故悲哭欲

從死母防甚密乘間竟自縊鄉人高其烈為之

合塋

羅氏適陵水庠生曾備一黎魁焚劫村落羅抱子

以逃路人欲扶之行叱曰吾等遇害肯容汝扶

哉賊至挾入林中欲污之羅度不免擲子於地

乃抱榔樹罵賊賊怒剖其腹聞者悲焉

文氏千戶張榮妻適張四載而寡養姑鞠子矢節

不二未幾姑子相繼病亡文子身紡績年七十

國朝

王

終州人募金塋之院按匾旌其門  
 氏廩生曾紹榮妻會同教諭王嘉賓女也年  
 七贅榮未及春嘉賓赴京紹榮以病不能送王  
 母怒不許與王見紹榮忿歸娶楊氏父母迫之  
 嫁矢死靡他聞紹榮歿奔喪號泣楊亦連之  
 遺三男二女撫猶已子州守茅一桂旌其門壽  
 八十九卒

舊

志修於康熙十八年越乾隆三十  
 餘載矣其間閨門懿德應不乏人然搜之州  
 案僅得三十八年清冊一本錄節婦三十人經  
 隣里結報雖歲月久深無從核其事跡而姓氏  
 里居歷歷可考何忍任其泯沒畧紀以傳不朽

蘇許陳李杜陳郭蘇卓文蘇楊楊  
 氏氏氏氏氏氏氏氏氏氏氏氏氏  
 守宣守德守福妻永妻武守富守富守富妻東舜仁守宣守順守迎  
 節義節化節澤守福守登節仁節仁節仁守北妻孝節義節德節恩  
 四都三街四都節街節街三都四都三都節廟守都四都四都五街  
 十李十麥十黃五把六廩十李十吳十陳三儒節庠十李十吳十五  
 五衡七成一朝十總十生四時三德七九十士五生七以三昭一汝  
 年岳年效年爵八王六王年若年龍年懷八胡十陳年苾年總年亮  
 妻妻妻年廷年汝妻妻妻年振年子妻妻妻  
 臣翼 勳

李王蘇王林胡劉陳王鍾李陳楊  
 氏氏氏氏氏氏氏氏氏氏氏氏氏  
 守宣守通守福麟仙守武守仙元富守富守東守會守仁守文守壽  
 節義節化節澤妻河節登節河妻仁節仁節北節通節孝節德節昌  
 三都三都三都守街五街三街守都四都三廟三都六都三都三都  
 十陳十邱十朱節庠十五王節廩十李十溫十高十文十黃十鍾  
 四九一文五國六生七昭六廷四生三時四聖七敏年學五朝四翰  
 年曠年星年權二胡年夏年機十陳年耀年禮年學 第年績年花  
 妻妻妻年疏妻妻妻年殿妻妻妻妻妻妻妻

李氏 廣城郡文邦進妻

蘇氏 福澤郡黃汝壽妻

王氏 武登街三邦七基妻

李氏 楊沂妻 年十九而寡 冰雪自矢 守志四十餘

曾氏 庠生歐畧妻 年二十二夫亡 辛苦守節 篝燈

陳氏 士秀女 少喪父母 依兄舜典 以罪發遣

嫂又故陳矢志不字 撫孤姪及姪女 婚嫁卒年

六十餘

陳氏 增廣生 黃上苑妻 年二十而寡 家貧守節不

渝其志 年六十三而終

陳氏 蘇仁之妻 年二十五而寡 家計寒微 堅守苦

節 弟嫗相繼 倫亡遺瞽 目姑七旬有餘 陳扶持

出入服事殷勤姑卒鬻田安葬備極艱辛不變

其節年八十有餘終

龍氏蕭友桐之妻年十九而寡孀居守志白璧無

瑕年六十有餘卒鄉里匾其門曰節媿栢舟

文氏廖晨之妻年二十六而寡家道微薄孀居自

矢子若孫相繼淪亡不變其志年八十有餘卒

蔡氏吳朝賓之妻年二十八而寡遺子一人傍無

伯叔百計艱苦殷勤教訓子膺貢選孫成名者

四鄉里重之年八十有餘卒

吳氏排溪人適後朗庠生楊裕後為妻年二十九

而寡遺孤三人尚穉吳偕兄嫂同居合爨怡怡

恭順克勤婦道不辭其勞分多潤寡恩義兼盡

人無間言年五十有餘卒

陳氏東關人貢生志官之女許字後朗楊士級為

室未婚而楊卒陳年十七奔喪守節矢一而終

過門以未長齋見志言語不苟代夫事親勤勞

必至撫姪為子訓誡必嚴鄰推重卒年五十

有一乾隆六十年

題准旌表

楊氏後朗人貢生崧山次女許字扶峯李應垣為

室未婚而李卒楊年十九哀慟欲絕奔喪守貞

翁姑以年幼無子難之楊矢志益堅托人勸翁

買妾以廣後嗣及庶母生子楊曰吾夫後嗣有

望矣庶母亡所遺幼子皆楊保携成立凡事翁

姑生養死墓曲盡婦道撫姪為嗣教以義方不

以幼穉稍寬鄉里重之卒年五十二嘉慶九年



題准旌表

許氏銅鼓人原任合浦訓導大臨之三女年十八  
適茶根鄉卓儒珍為妻于歸三載遂喪厥偶矢  
志靡他堅貞自守時修學宮許捐白銀一百兩  
以助工費署州牧周匾稱為巾幗丈夫嘉慶十  
二年

題准旌表

楊氏栢榔村士毓之女許字祿益吳式儒未婚而  
吳卒楊年十六聞訃奔喪欲殉謂姑曰吾豈以  
未結褵而有他志哉母與叔迫令改嫁楊堅貞  
成惟矢死靡他母竟私自許字他人楊聞知益  
增痛哭水漿不入於口絕食旬日而死合塋於  
祿益村東小洪圮坡之原觀者咸流涕稱其貞

烈

黃氏

後山人溪邊陳應遇之妻年三十而寡家計

浚薄俯仰無資氏抱一孤子矢勿二之心守從

一之義玉潔冰清始終如一翁未及事事姑克

謹不辭勞苦養姑育子現年七十有一里黨咸

欽母儀

楊氏

後朗人貢生崧山之五女適買山韓文翼為

妻年二十六而寡遺孤二人上有翁姑家無次

丁楊事親訓子克盡婦道翁卒喪塋循禮未幾

二子淪亡遺孫二人獨與寡媳撫養成立備極

辛苦守節三十餘年貞靜幽然旗里推重卒年

五十有六

楊氏城內人把總興邦之女許字城內前街吳雄

為妻未婚而吳卒楊年十七聞訃奔喪守節  
死靡他值家道寒微不以窮苦易其志現年六  
十有二洵稱白璧無瑕

楊

氏後朗人副貢生岐山之四女適小南山武生

陳佐堯為妻年二十四而寡矢志靡他義守不

貳事翁姑得其歡心養嗣子猶嚴訓誨閨門端

懿里閭稱重

楊

氏祿益吳昭德之妻于歸吳門單生一男歲八

二而寡氏冰霜自矢家無擔石服事舅姑必誠

必敬後弟與婦俱亡男又早世弟遺一姪男遺

兩孫歷年延師教訓姪與孫俱成名年六十七

終

陳氏堀涌文彞倫之妻廩生陳表策之女年二十

夫亡冰霜自矢撫姪為子教訓維嚴代夫事親  
孝養克殫繼嗣天拆志節彌堅至老無瑕

朱氏月塘朱朝仕之女三家吳廷推之妻二十二

而寡矢志靡他奉養翁姑全乎大事完婚弟姪

愛如親生水清玉潔至老無瑕終年五十有三

劉氏書田吳景泰之妻單生一男未滿月而夫故

氏齒廿一遵翁姑命守寡養孤教子成名終年

八十有八

紀氏壩頭蔡廷冕之妻廿一喪偶守義事親延師

訓兒其子英年食餼氏力居多現齒六十有六

可謂從一而終

黃氏扶峯許成詣之妻廿三失偶清操自勵事高

堂奉養克謹鞠猶子教訓名成終年十有

大節無虧人言無間

唐氏下番屏生唐川毓之女適后朗楊為棟為妻

單生一女年二十而寡奉事孀姑三形相隨二

誦不給苦節堪憐

陳氏南山嶺陳道相之女適馬家吳鴻道為妻年

廿四而寡冰霜自矢至老無瑕

曾氏城內王琅之妻年廿七而寡矢志靡他始終

如一卒年七十有五

史氏吳村仔史煥長女許嫁樂排屏生文起龍為

妻自十九歲于歸越三載夫亡單存一女氏憑

棺痛哭曰夫逝矣焉惜餘生其奈舅姑在堂何

因矢志孀守冰霜自持撫姪聖傳為况其事雙

親也不忘孝敬其訓嗣男也克有義方迨翁姑

既亡喪葬盡禮事死如生鄉黨咸重之現年五十六歲守節三十四秋道光七年閩州紳士呈

報學憲翁匾旌秋霜同潔

周

氏曲冲人周居仁長女適本鄉附生文希路為

妻年二十六而寡此時翁已早逝姑亦繼夫而

亡兄弟俱無孤子為彥甫五歲門衰祚薄不絕

如綫氏深明大義誓念孀居心匪石而不轉志

如土而安貞勢孤寡而險阻備嘗境淒涼而耿

介彌著雙親未獲承歡塋祭務盡其道獨子何

嘗溺愛教誨自有其方現今年逾五旬實為族

黨推重

吳

氏南門吳鳩翔之友高平邱茂位之妻年二十

二而寡單存男景明一人氏苦心守節玉潔冰

清

清代夫事親克殫孝道其撫孤子也教有義方  
每年延師設帳供膳束金比人加倍里黨重之  
咸推為巾幗丈夫現年五十有三  
陳氏東關增生陳河清女北門王錫圭之妻也年  
十八于歸越六載圭病故存男治普幼在襁褓

時翁姑在堂氏柏舟自誓事親教子務盡其心  
迨翁姑繼亡喪葬盡禮現今守節二十六載歷  
年五十歲淑慎母儀族黨稱焉

曾氏凹塘曾良信之女年十九適竹紫林鍾純義  
為室義亡存男鈴甫數月氏年二十七矢志靡

他事姑教子備歷辛勤端然自處貞靜可風現  
年六十二歲守節三十六年男鈴遊州庠人以  
為苦節之報云

吳氏高田庠生吳師禹女適西門梅文燦為妻年

二十五而寡閨房寂寂聲時聞乎啼猿婦節亭

亭守真同夫介石不可轉者其心無或渝者其

志冰清玉潔久暫永貞孝事翁姑和處妯娌撫

養孤子教有義方無何娶媳甫經三載哭子遽

歸九泉苦竟加苦貞則常貞現今年越五旬里

陳氏南山嶺附生陳拔萃之女上田童生蔡世瑚

之妻年二十四而寡嗟嗟喪偶乏嗣婦身何依

氏深明從一之義堅盟無二之忱境况淒涼時

下杜鵑之淚德性純篤永安介石之貞代夫事

親存沒之道無或愧撫姪為子寬嚴之教有其

訪而且兄嫂繼亡遺男遺女呱呱而泣氏總視

訪而且兄嫂繼亡遺男遺女呱呱而泣氏總視



如已子少而攜持長而嫁娶艱難勞苦備嘗現  
 今年逾五旬實為族黨推重  
 黃氏石塘黃諄之女適曲冲文紹烈為妻氏年二

十遭翁棄世過門守禮越四年而夫故鏡破鸞  
 飛時下杜鵑之淚冰清玉潔永安介石之貞誓  
 念匪他盟心惟一事孀姑以孝道教孤子以義  
 方存男龍章一人艱苦備嘗撫養成立現今年  
 逾五旬族黨咸欽懿範  
 李氏白沙坡顧元錦之妻係東山李芄秀之女自

十九歲于歸越五載夫亡存男其禳時翁姑在  
 堂氏矢志孀守代夫事親迨翁既亡喪盡禮  
 不敢苟且現年六十歲姑壽耄耄猶復奉養左  
 右得其歡心且處家勤儉訓子義方守節三十

七年節孝可風人言無間  
胡氏西門陳懿文妻后朗胡舜蔭之女也年十八

于歸越三載夫亡單存二女氏矢志孀守家貧  
如洗躬親勞苦自給饋粥現年六十五歲貞靜

吳氏西門梅文治妻書田廩生吳慶清長女自十  
可嘉始終如一隣里重之

九歲于歸越五載夫故存男為王一人氏盟心

白水孀守寒閨詎料王已成室病入膏肓喪夫

而又喪子苦更加苦貞則常貞現年五十四歲

介節幽貞嘖嘖人口允稱守一而終云

朱氏保定庠生朱孔陽之女橋頭李超俊之妻也

年十七過門兩閱歲兩俊故存男連一人未離

擗抱氏矢志孀守從一而終現年五十二歲冰

霜勵節義方訓子洵無愧幽貞潛德云

蘇氏扶峯嶺東人適溪邊陳大經為妻年二十三

而寡父母憐其幼欲再為嫁矢志不從堅守苦

節孝事翁姑死塋盡禮訓孤子以義導室人以

和現年九十有三胡州主撫實申詳道

憲喻匾旌操凜冰霜

劉氏八家劉試賜之女大芒陳緝舜之妻年二十

六而寡家貧無依苦心守節遵柏舟以矢志占

介石以安貞菽水事親經書教子處鄉黨無違

禮之舉和妯娌有淑德之稱現今年屆七旬

胡州主撫實申詳道憲喻匾旌幽谷貞粃

吳氏吳邦周女琬川儒士李輝山髮妻年二十六

而寡閨房寂寞難已悲傷志節堅貞獨標潔白



道光

八年戊子樂捐刊志工費姓氏

吳義鼎捐銀壹拾員	劉龍元捐銀壹拾員	鍾哲捐銀壹拾陸員	陳光國捐銀壹拾陸員	陳兆龍捐銀貳拾員	陳逢瑞捐銀貳拾員	朱拱陽捐銀叁拾員	楊士傑捐銀叁拾員	林金聲捐銀叁拾員	陳元梅捐銀叁拾員	楊士錦捐銀叁拾員
----------	----------	----------	-----------	----------	----------	----------	----------	----------	----------	----------

鍾宏章捐銀壹拾員	朱學聰捐銀壹拾員	黃斯選捐銀壹拾員	鍾純源捐銀壹拾員	黃天秀捐銀壹拾員	李世玠捐銀壹拾員	鍾龍瑞捐銀壹拾員	劉光泮捐銀壹拾員	劉光林捐銀壹拾員	張士瑞捐銀壹拾員
----------	----------	----------	----------	----------	----------	----------	----------	----------	----------



志藏板記

州志刊板貳百伍拾叁塊存  
 學宮后殿監櫃內  
 櫃用鉄鎖關固鎖匙  
 學正堂師尊執掌守願  
 學宮門戶者隨時掃除白蟻或有欲印刷稟  
 師尊請出鎖匙印刷只在后殿內不許搬去他  
 處致有遺失印刷畢當守願門戶者點板存回  
 櫃中繳鎖匙還  
 師尊倘歲月久遠監櫃毀壞  
 守願門戶者報知賓興首事在賓興  
 內取錢另新造監櫃存妥慎勿忽畧

一九五八年二月  
 廣東省中山圖書館編製